

ukoliko bez saglasnosti roditelja, usvojitelja ili organa starateljstva preduzme važnije mjere u pogledu ličnosti djeteta, u skladu sa članom 47. Kantonalnog zakona, a u vezi sa članom 37. Federalnog zakona.

Član 165c.

Novčanom kaznom u iznosu od 500,00 do 1.000,00 KM kaznit će se za prekršaj osoba, korisnik prava, koja je postupila suprotno članu 69. Kantonalnog zakona."

Član 6.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Zakona o socijalnoj zaštiti, zaštiti civilnih žrtava rata i zaštiti porodice sa djecom.

Član 7.

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-19223/12
30. maja 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 12. stav 1. tačka f) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 30.05.2012. godine, donijela je

ZAKON

**O IZMJENAMA I DOPUNAMA ZAKONA O
PRIVREMENOM KORIŠĆENJU JAVNIH POVRŠINA
NA PODRUČJU KANTONA SARAJEVO**

Član 1.

U Zakonu o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04) član 1. mijenja se i glasi:

"Član 1.

Ovim zakonom utvrđuju se javne površine koje se mogu privremeno koristiti, njihova namjena, uslovi i način privremenog korišćenja javnih površina, nadležnosti Kantona Sarajevo (u daljem tekstu: Kanton), Grada Sarajeva (u daljem tekstu: Grad) i općina, poslovi prvostepenog upravnog rješavanja iz oblasti urbanizma i komunalnih djelatnosti, naknade za korišćenje javne površine, nadzor nad provođenjem ovog zakona i druga pitanja od značaja za privremeno korišćenje javnih površina na području Kantona."

Član 2.

Član 2. mijenja se i glasi:

"Član 2

Javne površine mogu se privremeno koristiti za:

1. postavljanje:
 - kioska,
 - slobodnostojećih otvorenih bašči,
 - slobodnostojećih reklamnih panoa,
 - slobodnostojećih displeja,
 - slobodnostojećih telefonskih govornica,
 - stolova ispred ugostiteljskih radnji,
 - prodajnih stolova (pokretne tezge),
 - rashladnih uređaja,
 - žardinjera za cvijeće,
 - vaga za osobno mjerenje,
 - sanduka za čišćenje obuće,
 - cirkuskih šatora,
 - klupa za sjedenje,
 - čuvarskih kućica,
 - reklamnih balona,
 - drugih specifičnih sadržaja (dječiji autići i vozići, uređaji za pečenje pečenjarskih proizvoda, prodaja lutrija, srećki, polovnih knjiga i slične literature, umjetničkih slika,

iznajmljivanje bicikla, objekata jednostavnih usluga u nepokretnom ili priključnom vozilu, objekata jednostavnih usluga na kolicima s tim da pogodno mjesto bude uređeno, i sl.),

2. održavanje kulturnih, zabavnih, sportskih, humanitarnih, drugih manifestacija i slično,
3. odlaganje građevinskog materijala,
4. postavljanje građevinskih fasadnih skela,
5. javni parking prostor.

Rješenje za privremeno korišćenje javne površine iz tač. 1. i 2. može sadržavati i druge elemente u sklopu navedenih namjena, kao što su: tende postavljene na tlo, žardinjere, suncobrane, korpe za otpatke, jarbole i sl."

Član 3.

U članu 3. stav 1. u tački 2. brisati riječi u zagradi, koje glase: "park prirode".

Iza tačke 2., dodaje se nova tačka 3. koja glasi: "3. pješačke staze u obuhvatu prirodnih područja čija je zaštita utvrđena posebnim propisima,"

Dosadašnje tač. 3., 4. i 5. postaju tač. 4., 5. i 6.

Član 4.

Član 5. mijenja se i glasi:

"Član 5.

Javne površine na području Kantona, mogu se privremeno koristiti na osnovu odobrenja nadležnog općinskog organa.

Zahtjev za privremeno korišćenje javne površine iz člana 3. ovog zakona podnosi se općinskom načelniku putem općinske službe za upravu nadležne za poslove urbanizma, odnosno komunalnih poslova (u daljem tekstu: općinska služba za urbanizam i općinska služba za komunalne poslove).

Član 5.

Član 6. mijenja se i glasi:

"Član 6.

Za privremeno korišćenje javnih površina iz člana 3. stav 1. tač. 1., 2., 4., 5. i 6. ovog zakona, ukoliko nije usvojen elaborat, odobrenje se donosi uz prethodnu saglasnost Ministarstva saobraćaja Kantona Sarajevo (u daljem tekstu: Ministarstvo saobraćaja).

Za privremeno korišćenje javnih površina iz člana 3. stav 1. tačka 3. ovog zakona, odobrenje se donosi uz prethodnu saglasnost i uslove propisane od strane Kantonalne javne ustanove za zaštićena prirodna područja.

Za privremeno korišćenje javne površine za održavanje kulturnih, zabavnih, sportskih, humanitarnih i drugih manifestacija kao i drugih namjena od interesa za Grad, odobrenje se donosi uz prethodno pribavljenu saglasnost nadležne gradske službe.

Posebnim aktom Gradsko vijeće će utvrditi manifestacije i druge namjene zauzimanja javnih površina koje su od interesa za Grad, uz prethodno pribavljeno mišljenje općinskih vijeća općina u sastavu Grada.

Saglasnosti iz ovog člana, pribavlja organ po službenoj dužnosti."

Član 6.

Član 7. mijenja se i glasi:

"Član 7.

Postavljanje slobodnostojećih reklamnih panoa i slobodnostojećih displeja u cestovnom pojasu i u zaštitnom cestovnom pojasu javnih cesta uključujući i ulice u naseljima i gradovima, vrši se na način i prema uslovima određenim važećim propisima iz oblasti cestovnog prometa koji se primjenjuju na području Kantona."

Član 7.

U članu 8. stav 2. mijenja se i glasi:

"Elaborat donose:

- za područje općina u sastavu Grada Sarajeva, Gradsko vijeće uz prethodno pribavljenu saglasnost općinskih vijeća tih općina,
- za područje općine izvan teritorije Grada, općinsko vijeće."

U stavu 3. iza riječi "urbanizam" dodaju se riječi: "a za područje Grada, i kod gradske službe za urbanizam."

Član 8.

Član 9. mijenja se i glasi:

"Član 9.

Kiosk, u smislu ovog zakona, smatra se montažno-demontažni objekat čije urbanističko-tehničke uslove bliže određuje elaborat za postavljanje kioska.

Za kioske koji se postavljaju na području za koji nije usvojen elaborat bliže urbanističko-tehničke uslove utvrđuje općinska služba za urbanizam rješenjem o urbanističkoj saglasnosti.

Član 9.

Član 14. mijenja se i glasi:

"Član 14.

Postavljanje slobodnostojećih reklamnih panoa i slobodnostojećih displeja na javnim površinama iz člana 3. ovog zakona, vrši općinska služba za urbanizam na osnovu elaborata koji izrađuje Zavod za planiranje.

Elaborat donose:

- za područje općina u sastavu Grada Sarajeva, Gradsko vijeće uz prethodno pribavljenu saglasnost općinskih vijeća tih općina,
- za područje općine izvan teritorije Grada, općinsko vijeće.

Elaborat iz prethodnog stava utvrđuje veličinu, izgled i tip reklamnih panoa i displeja, period korišćenja, uslove korišćenja lokacija itd.

Elaborat je dokument koji se izlaže na stalni javni uvid kod općinske službe za urbanizam, a za područje Grada, i kod gradske službe za urbanizam."

Član 10.

Član 15. briše se.

Član 11.

Član 21. mijenja se i glasi:

"Član 21

Privremeno korišćenje javnih površina za postavljanje prodajnih stolova ispred poslovnih prostora za izlaganje i prodaju robe, postavljanje stolova ispred ugostiteljskih radnji, prodajnih stolova (pokretnih tezgi) povodom pojedinih praznika za promet robe na malo kao: čestitke, razglednice, prskalice, cvijeće, ukrase za novogodišnje i druge praznike i posebne prigode, ulaznice za sportske, kulturne, humanitarne i druge manifestacije, postavljanje rashladnih uređaja, žardinjera za cvijeće, vaga za osobno mjerenje, sanduka za čišćenje obuće, klupa za sjedenje, čuvarskih kućica, reklamnih balona i drugih specifičnih sadržaja, odobrava rješenjem općinska služba za komunalne poslove, ukoliko postoje prostorne mogućnosti i ako ne ometa pješačke saobraćajne tokove.

Privremeno korišćenje javnih površina za održavanje kulturnih, zabavnih, sportskih, humanitarnih i drugih manifestacija, kao i za postavljanje cirkuskih šatora, odobrava rješenjem općinska služba za komunalne poslove.

Privremeno korišćenje javnih površina za održavanje kulturnih, zabavnih, sportskih, humanitarnih i drugih manifestacija, koje su od interesa za Grad odobrava rješenjem općinska služba za komunalne poslove uz prethodno pribavljenu saglasnost nadležne gradske službe.

Rješenjem iz st. 1. 2. i 3. ovog člana određuje se lokacija, period privremenog korišćenja javnih površina, namjena, način korišćenja i održavanja javne površine.

Period privremenog korišćenja javnih površina za postavljanje prodajnih stolova ispred poslovnih prostora za

izlaganje i prodaju robe, stolova ispred ugostiteljskih radnji, rashladnih uređaja, žardinjera za cvijeće utvrđuje se tokom cijele godine.

Period privremenog korišćenja javnih površina za postavljanje prodajnih stolova povodom pojedinih praznika, za promet robe na malo kao: čestitke, razglednice, cvijeće, prskalice, ukrase za novogodišnje i druge praznike i posebne prigode, ulaznice za sportske, kulturne, humanitarne i druge manifestacije, utvrđuje se u trajanju do sedam dana.

Period privremenog korišćenja javnih površina za postavljanje sanduka za čišćenje obuće, vaga za osobno mjerenje, utvrđuje se u trajanju do godinu dana.

Period privremenog korišćenja javnih površina za postavljanje klupa za sjedenje utvrđuje se u trajanju do pet godina.

Period privremenog korišćenja javnih površina za postavljanje drugih specifičnih sadržaja (dječiji autići, vozići, uređaji za pečenje pečenjarskih proizvoda, prodaja lutrija, srećki, polovnih knjiga i slične literature, umjetničkih slika, iznajmljivanje bicikala, objekata jednostavnih usluga u nepokretnom ili priključnom vozilu, objekata jednostavnih usluga na kolicima i sl.), utvrđuje se u trajanju do dvije godine.

Period privremenog korišćenja javnih površina za održavanje kulturnih, zabavnih, sportskih, humanitarnih i drugih manifestacija, kao i postavljanje reklamnih balona i cirkuskih šatora utvrđuje se u trajanju do 60 dana."

Član 12.

Član 22. mijenja se i glasi:

"Član 22

Radi estetskog uređenja prostora, općinsko vijeće će usvojiti elaborat koji će u cilju izgleda i dimenzija prodajnih stolova uraditi Zavod za planiranje.

Općine u sastavu Grada će prije usvajanja Elaborata iz stava 1. ovog člana, pribaviti mišljenje Gradskog vijeća.

Općinska služba za komunalne poslove će prilikom donošenja rješenja bliže definisati izgled i druge karakteristike prodajnih stolova, uključujući i uređenje mikrolokacije."

Član 13.

U članu 23. u st. 1. i 3. riječi "deponovanje građevinskog materijala" zamjenjuju se riječima "odlaganje građevinskog materijala".

Član 14.

U članu 24. stav 2. mijenja se i glasi:

"Korisnici javnih površina dužni su u slučaju potrebe ili u slučaju privođenja zemljišta krajnjoj namjeni u skladu sa važećim planskim dokumentom, ukloniti sadržaje postavljene na javnoj površini i prije isteka roka datim rješenjem o privremenom korištenju javne površine."

Iza stava 2. dodaje se novi stav 3. koji glasi:

"Rješenje o prestanku prava privremenog korištenja javne površine, po službenoj dužnosti, donosi općinska služba za urbanizam odnosno komunalne poslove."

Dosadašnji st. 3, 4. i 5. postaju st. 4, 5. i 6.

Član 15.

U članu 25. u dijelu "Poslovi prvostepenog upravnog rješavanja u oblasti komunalnih djelatnosti" tač. 1, 2. i 3. mijenjaju se i glase:

"1. postavljanje:

- građevinskih fasadnih skela, ako nije definisano odobrenjem za građenje,
- prodajnih stolova ispred poslovnih prostora za izlaganje i prodaju robe,
- stolova ispred ugostiteljskih radnji,
- prodajnih stolova povodom pojedinih praznika za promet robe na malo kao: čestitke, razglednice, prskalice, cvijeće, ukrase za novogodišnje i druge praznike i posebne prigode, ulaznice za sportske, kulturne, humanitarne i druge manifestacije,

- rashladnih uređaja,
- cirkuskih šatora,
- žardinjera za cvijeće,
- vaga za osobno mjerenje,
- sanduka za čišćenje obuće,
- klupa za sjedenje,
- čuvarskih kućica,
- reklamnih balona i
- drugih specifičnih sadržaja (dječiji autići, vozići, uređaji za pečenje pečenjarskih proizvoda, prodaja lutrija, srećki, polovnih knjiga i slične literature, umjetničkih slika, iznajmljivanje bicikala, objekata jednostavnih usluga u nepokretnom ili priključnom vozilu, objekata jednostavnih usluga na kolicima i sl.).

2. održavanje kulturnih, zabavnih, sportskih, humanitarnih i drugih manifestacija,
3. odlaganje građevinskog materijala, utovar i istovar građevinskog materijala".

Član 16.

Član 27. mijenja se i glasi:

"Član 27.

Za korišćenje javnih površina, korisnici iz člana 4. ovog zakona plaćaju naknadu. Prikupljena naknada pripada općinama i usmjerava se za izgradnju i obnavljanje komunalne infrastrukture i urbanog mobilijara na području općine.

Visinu naknade svih vidova privremenog korišćenja javnih površina utvrđenih ovim zakonom, način naplate, usmjeravanje i mjere za sigurnu i efikasnu naplatu utvrđuje svojim propisom općinsko vijeće.

Protiv rješenja općinskog načelnika o utvrđivanju visine naknade u drugom stepenu rješava općinski organ određen statutom općine, odnosno organ određen propisom općinskog vijeća.

Za privremeno korištenje javne površine iz člana 6. stav 3. ovog zakona, koje se odobrava uz prethodno pribavljenu saglasnost nadležne Gradske službe, prikupljena naknada pripada općini u sastavu Grada i Gradu.

Visinu naknade iz prehodnog stava, način naplate, usmjeravanje, mjere za sigurnu i efikasnu naplatu kao i međusobni omjer o visini pripadnosti naknade između Grada i Općine, utvrđuje općinsko vijeće uz prethodnu saglasnost Gradskog vijeća.

Član 17.

Član 29. mijenja se i glasi:

"Član 29.

Poslove inspeksijskog nadzora u oblasti urbanizma i građenja vrši općinska urbanističko građevinska inspekcija, a u oblasti komunalnih poslova nadležna komunalna inspekcija.

Pri vršenju inspeksijskog nadzora nadležni inspektor vrši kontrolu, da li privremeni korisnik posjeduje rješenje za korištenje javne površine u skladu sa odredbama ovog Zakona te da li se javna površina koristi u skladu sa izdatim rješenjem.

U provođenju nadzora nadležni inspektor dužan je poduzimati mjere u cilju otklanjanja utvrđenih nedostataka kao i donijeti upravni akt kojim će narediti uklanjanje bespravno postavljenih sadržaja na javnoj površini.

Protiv upravnih akata urbanističkog - građevinskog inspektora i komunalnog inspektora u drugom stepenu rješava Ministarstvo.

Žalba ne odgađa izvršenje upravnog akta."

Član 18.

U članu 30. stav 3. mijenja se i glasi:

"3. ako, kao korisnik javne površine, istu ne održava u urednom stanju, a po isteku roka iz odobrenja, javnu površinu ne dovede u prvobitno stanje i ako u slučaju potrebe ili u slučaju privođenja zemljišta krajnjoj namjeni u skladu sa važećim

planskim dokumentom, ne ukloni sadržaje postavljene na javnoj površini i prije isteka utvrđenog roka (član 24. st. 1. i 2.)."

Član 19.

U članu 31. stav 3. mijenja se i glasi:

"3. ako, kao korisnik javne površine, istu ne održava u urednom stanju, a po isteku roka iz odobrenja, javnu površinu ne dovede u prvobitno stanje i ako u slučaju potrebe ili u slučaju privođenja zemljišta krajnjoj namjeni u skladu sa važećim planskim dokumentom, ne ukloni sadržaje postavljene na javnoj površini i prije isteka utvrđenog roka (član 24. st. 1. i 2.)."

Član 20.

Član 35. mijenja se i glasi:

"Član 35.

"Propise o utvrđivanju visine naknade utvrđenih vidova privremenog korišćenja javnih površina, način naplate, usmjeravanja i mjere za sigurnu i efikasnu naplatu iz člana 27. ovog zakona nadležni organi donose u roku od 30 dana od dana stupanja na snagu ovog zakona.

Član 21.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst ovog zakona u roku 30 dana od dana objavljivanja u "Službenim novinama Kantona Sarajevo".

Član 22.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-19222/12
30. maja 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. stav 1. tačka 1. 1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 111. i člana 112. stav 1. Poslovnika Skupštine Kantona Sarajevo ("Službene novine Kantona Sarajevo" - Novi prečišćeni tekst br. 25/10, 14/11, 19/11 i 7/12), Skupština Kantona Sarajevo, na sjednici održanoj dana 30.05. 2012. godine, donijela je

ODLUKU

O IZMJENAMA I DOPUNAMA POSLOVNIKA SKUPŠTINE KANTONA SARAJEVO

Član 1.

U Poslovniku Skupštine Kantona Sarajevo ("Službene novine Kantona Sarajevo" - Novi prečišćeni tekst, br. 25/10, 14/11, 19/11 i 7/12), iza člana 53. dodaje se podnaslov "Vijeće nacionalnih manjina Kantona Sarajevo" i čl. 53.a, 53.b, 53. c i 53.d koji glase:

"Član 53. a

Vijeće nacionalnih manjina Kantona Sarajevo (u daljem tekstu: Vijeće) je stalno savjetodavno tijelo Skupštine Kantona Sarajevo.

Vijeće sačinjavaju po jedan predstavnik-delegat udruženja nacionalne manjine koja ima registrovano sjedište na području Kantona, a imenuje ih Skupština, u skladu sa kantonalnim zakonom kojim se reguliše zaštita prava pripadnika nacionalnih manjina u Kantonu.

Član 53. b

Vijeće pokreće inicijative i podnosi nacрте zakona, odluka i drugih akata iz nadležnosti Skupštine Kantona, prati stanje i primjenu propisa, zauzima stavove, daje prijedloge i preporuke organima vlasti u Kantonu, po svim pitanjima koja su od značaja za položaj i ostvarivanje prava pripadnika nacionalnih manjina u Kantonu, u skladu sa zakonom kojim se reguliše zaštita prava pripadnika nacionalnih manjina u Kantonu.